

DODATAK**GRAČANIČKI****GLASNIK**časopis za kulturnu
historijuBroj 38, godina XIX
novembar, 2014.

© Monos 2014

Glosar novih autora

Ismet Alija, doktor prava iz oblasti prava intelektualnog vlasništva, rođen 1958. u Peći, predavač na Pravnom fakultetu Univerziteta u Travniku na predmetima: Osnovi prava intelektualnog vlasništva, Autorska prava i srodna prava, Pravo industrijskog vlasništva i Evropsko pravo intelektualnog vlasništva, predsjednik je komisije za polaganje stručnog ispita za zastupnika za intelektualno vlasništvo pri Institutu za intelektualno vlasništvo Bosne i Hercegovine, suosnivač Univerziteta u Travniku te osnivač i glavni menadžer Pravnog fakulteta.

Enes Dedić rođen je 1988. godine u Postojni (Republika Slovenija). Osnovnu i srednju školu završio je u Sanskom Mostu. Diplomске studije upisao je 2007. godine na Odsjeku za historiju na Filozofskom fakultetu u Sarajevu. Drugi ciklus studija – naučni smjer (oblast srednji vijek) upisao je 2011, a završio septembra 2013. godine odbranom završnog diplomskog-master rada “Konavoski rat”. Trenutno je doktorant na studijskom programu Srednjovjekovna Bosna na istoimenom fakultetu. Član je naučnih udruženja Stanak i Hortulus. U naučnoj periodici je objavljivao članke i osvrte na novija izdanja iz struke. Učestvovao je u naučnim projektima i arhivskim istraživanjima.

Haris Hasić, magistar prava, uža naučna oblast građanskopravna, doktorski kandidat, rođen 1984. godine u Banja Luci, viši asistent na Pravnom fakultetu Univerziteta u Travniku, uža naučna oblast građanskopravna; alumni 11. kolokvijuma za predavače intelektualnog vlasništva u organizaciji Svjetske organizacije za intelektualno vlasništvo i Svjetske trgovinska organizacija; predavač za pravo intelektualnog vlasništva pri Agenciji za državnu službu Bosne i Hercegovine i za Svjetsku trgovinsku organizaciju.

Ena Kazić, rođena 1987. godine u Sarajevu, završila I ciklus studija na Pravnom fakultetu Univerziteta u Sarajevu kao najbolji student svoje generacije. Drugi ciklus studija na istom fakultetu okončala je odbrani završni rad pod nazivom “Komparativni prikaz krivičnogpravnog položaja maloljetnih učinilaca krivičnih djela u BiH i Hrvatskoj”. Dobitnica je Zlatne značke Univerziteta u Sarajevu, kao najbolji student II ciklusa

DODATAK

studija. Trenutačno pohađa III ciklus studija, na Krivičnopravnoj katedri istog fakulteta. Jedno vrijeme radila je kao koordinator za međunarodnu saradnju Pravnog fakulteta Univerziteta u Sarajevu. Trenutačno je zaposlena na Pravnom fakultetu Univerziteta u Travniku, kao viša asistentica na Užoj krivičnopravnoj katedri. Učestvovala je na više međunarodnih i domaćih naučnih konferencija. Govori engleski, turski, španjolski i francuski jezik.

Anida Letić Sikirić, farmaceut rođena je 1986. u Gračanici. Nakon završetka osnovne i srednje škole u rodnom gradu, diplomirala na diplomirala je na Farmaceutskom fakultetu na Univerzitetu Bijeljina. Slikarstvom se bavi od 2009. godine. Najzastupljenija tehnika u njenim radovima je ulje na platu, rjeđe suhi pastel. Članica je "Preporoda" Gračanica od 2010. godine, od kada izlaže radove na njihovim kolektivnim izložbama i učestvuje na likovnim kolonijama.

Ahmet Mahmutović, ekonomista (VŠS), partizanski borac, učesnik u borbama za oslobođenje Beograda u oktobru 1944., lo-

kalni političar i privrednik, rođen 1928. godine u Trnovcima (Džakule), općina Gračanica, 1928., a umro u Gračanici 1986. godine (opširniji podaci u rubnici "Likovi zavičaja" u prilogu pod naslovom "Ahmet Mahmutović – fronobac sa Sremskog fronta" u ovom broju "Gračaničkog glasnika").

Zdenko Tadić, inženjer mašinstva, magistar sigurnosti i zaštite, rođen 1952. godine u Živinicama, završio Mašinski fakultet u Sarajevu 1976. godine, a magistrirao na Fakultetu političkih nauka u Sarajevu 2009. godine (oblast sigurnosti–zaštita i spašavanje). Radio je kao inženjer u više preduzeća u Tuzli i Živinicama ("Umel", rudnik "Đurđevik" i dr.) i kao nastavnik u Srednjoškolskom centru u Živinicama. U dva mandata bio je zamjenik ministra obrazovanja, nauke, kulture i sporta u Vladi Tuzlanskog kantona, a od 2004. je na dužnosti Komandanta Kantonalnog štaba civilne zaštite. Objavio je više knjiga i stručnih radova iz oblasti zaštite i sigurnosti, pokrenuo i uređivao časopise "Tehnička kultura" i "Civilna zaštita".